

睢州志總目

目錄

卷首

序 圖考 凡例

卷一

地里志

星野

疆域

土產

河患

山川

古蹟

卷二

建置志

沿革 城池 寨工 公署 街道 倉廩

學校 書院 社學 壇祀 寺觀

卷三

建置志

田賦 陵墓 風俗 隆賢 郵政

卷四

官師志

州官名宦 儒學名宦 署事 州官 學師

衛官

卷五

選舉志

舉人 進士 貢士 薦舉 封贈 恩蔭

武舉 武進士 例貢 監生

卷六

人物志

名臣 仕宦 正學 武功 義烈

卷七

人物志

孝子 隱逸 獨行 文苑 方技 仙釋

卷八

人物志

孝女 孝婦 烈女 烈婦 節婦

卷九

藝文志

記

卷十

藝文志

序 辨說 書 啓 引 傳 誌 銘 碑

表

卷十一

藝文志

詩

卷十二

存遺志

姓氏 封爵 遺事 災異 兵寇

睢州志卷之八

人物志

孝女

明

梁金錢睢州白寺里民梁仲女世居帝邱店年十六
仲故金錢傷父無子卽宅內爲墓葬之對天自誓終
身不配人問其故金錢口以身許人則不得自由父
墓誰守老母誰養母再四強之不從與母紡織於父
墓側後母故與父合葬金錢自買地數畝度日父母

所遺家產悉以分族人包土成墳巍然可觀參政喬
世甯轉申巡撫葛公移文本州歲給米四石布一疋
優免差役年八十餘卒葬於仲墓之側奉 旨卽其
地建祠國學沈信施地以爲祀田仍立碑以述其事

孝婦

王朝

師愚妻孫氏侍姑病脫簪珥求醫不解衣不交睫

旬於牀蓐之間者近三旬姑病且殆孫氏倉皇籲

禱不應不得已潛入其室拒戶左持刀置右臂於几

欲割之手弱刀屢下始斷一嚮血見濡縷而已其夫

適自外至排闥見之悸仆地孫氏投刀起掖而搖手

戒勿出聲然後裂帛裹創卒爲羹以進姑既食家人

初無知者姒察其異詰之不肯言久乃得其詳而姑

亦竟愈州人舉於官州守陳應富旌其門曰孝徽霜
鋒

王起龍妻鍾氏民間女也性顓朴而事親能竭力康熙二十九年翁昇病家貧旣無以致湯藥藥亦不效鍾氏念世有割股救親者爲之未必不有益於是割肉一臠烹而進之已而翁果愈鄰里爭告之官知州馬世英親式其廬表其門曰孝延翁命且繫之歌曰王孝婦鍾氏女十八嫁夫甘食苦翁病不食淚如雨翁思食肉婦有股刀血未寒翁病愈鬼神同刀泣拜

翁命今爲孝婦主我願睢陽千萬戶婦皆有翁子
有父 以上舊志

孟氏知山西太原縣調梅女也四歲生母亡嫡母撫
之讀書知大義幼字袁鏡未嫁隨父之任及笄約壻
往贅鏡至而病劇女聞泣不食鏡卒女哭謂父母曰
兒薄命遭此變既許袁氏子願從柩歸以成禮父母
勸曰爾字袁氏子未成婚母過執女曰名分已定不
可易父母哀其志聽之歸至家事姑謹紡織以供婦
職取姪爲嗣夫甫葬欲以身殉姑勸之曰嗣子幼恐

不能養吾老遂泣涕受命後卒郡廩生王立孝爲呈
禮部奉 旨建坊

陳豫立妻丁氏事姑孝姑病危氏默禱願折己壽九
年以益姑姑竟愈九年而歿人謂孝能感神云

田鳴璠繼妻陳氏貢生陳天文女姑病額天祈代疾
尋愈人稱異之州牧旌其門曰至孝格天

從九品鄭慶雲妻魏氏性孝姑病劇服藥罔效禱於
神願折己壽十年以益姑病旋愈

候選州判蔣灃妻吳氏太學生致仁女姑有瘡疾日

自服藥氏嘗而後進不敢假手僕婦晚年姑雙瞽洩
所需人民沾污垢不令姑知恐傷姑心也奉侍湯藥
更於院中焚香禱神姑嘗語人曰吾老且病得延數
年壽者賴吾婦耳姑歿供食物瞻拜柩前數十年如
一日

秦商氏監生商本全女秦家榮妻年十七歸家榮孝
事孀姑數十年不懈皖曹爾匪犯境夫遵諭防堵氏
奉姑逃隨夫寓孔集寨寨破家榮殉難五子俱被掠
氏衣夫衣冠扶孀姑直出東門去無阻者東走一村

見二老姆相對向火氏拜而託以姑復至寨見羣匪或眠或食氏乘閒疾入見五子抵首泣叱勿聲而攜之出其姑往謝集舅家暫存復五日賊去率五子收夫尸歸葬故里親鄰稱爲巾幗丈夫

高士奇妻閻氏事祖姑孝祖姑病服藥罔效割肉以奉祖姑愈咸謂誠心所感

監生李東嶽妻田氏孝廉方正金凝女也幼讀書知大義及于歸事翁姑孝翁臂患穢疽姑又病日會東嶽應試未歸氏親爲拭穢調藥匍匐牀前衣不解曉

不交者數旬翁姑嘗曰雖生女不是過也歲豐尚拾
匪亂姑老子幼夫以守寨義不顧家賴氏奉姑孝子
不遺餘力以故東嶽無家室憂人欲舉其孝輒辭曰
吾分內事也何以舉爲里人至今賢之

趙安妻魏氏母家商邱人性賢而貌微陋于歸後姑
厭之令安逐出更娶氏不得已歸母家依少弟紡績
自給含辛茹苦者十七年衣食所餘積田數畝會州
境大饑安母子及其後妻李氏皆餓斃翁遂攜李所
生名虎者往依氏氏一見太慟養老撫孤始終無怨

言未幾翁歿竭力營葬旋爲虎娶婦相率歸里數年卒虎感其恩義與父合葬焉

閻清泰妻傅氏姑患手疾朝夕侍奉九年無怠客院匪過境家人盡逃氏守姑不去卒負姑免禍

監生賀滋萬妻王氏武生作模女也事姑能得歡心光緒十六年姑已八旬病足痛徹於心氏親奉湯藥朝夕不懈醫藥祈禱罔有應又益他疾幾危氏倉皇無措因思割肉調藥或可瘳遂入室局戶割左臂作羹以進姑姑竟愈

劉文楷妻郭氏姑多病不能起氏奉事彌篤嘗割肉奉姑三年姑知其事今氏年百有八歲共推爲孝德之感云

汪杲妻皇甫氏性溫和寡言笑幼嫻閨訓事親以誠好讀孝經烈女傳諸書于歸後事翁姑尤勤篤未幾翁歿殯葬盡禮後姑病晝夜奉侍未嘗離牀蓐病劇羣醫束手氏焚香禱天願以身代復潛割臂肉入藥以進病若失後子婦輩見創痕固詰之乃以實告用是孝名動鄉里欲爲表彰氏堅阻之曰婦奉姑分也